



## Melele in Kajinet kin Kajitōk ko Rekut - Kakobaba in Armij *(Melele ko emōj kōkāāl 1-11-2021)*

Ijin lal elōñ uwaak ko ñan Kajitōk ko Rekut Kajitōki kin [Melele in Kajinet ko an Maroñ kin Ejmour eo an Oregon \(OHA\) ñan Kakobaba ko an Jejetin Kilaaj ko](#). OHA ej lewaj uwaak in Kajitōk Kein Rekut ñan jibañ an armij in lobelej jelā kin melele in kajinet eo, ñan uwaake kajitōk ko an armij ro rej bōk kwōnaer ijo, im ñan kalikar wewein an melele in kajinet kein maroñ jermal ñan jejetin wewein ko. Kajitōk kein rekut kajitōki remaroñ naj kōkāāl jen ien ñan ien. Kajitōk kein rekut kajitōki rar jab kōmman ñan binej jenkwan melele in kajinet eo, ak ñan ukōte, kōlablok, im jibañ kanne tibdik in melele ko.

**K1: Joñan ko emōj kadiklok ñan ien kakobaba ko ilo mōko imōn jokwe im ñan ibben doon im rej bedbed ioon [joñan uwōta eo emōj kalikar an county eo](#), rej ke kōmelim kakobaba ko iloan em im inabōj jimor ilo ejja ien eo wōt?**

U1: Aet, bōtab elañe ewōr kakobaba in armij iloan em im inabōj jimor im rej kōmman ilo ejja ien eo, ro rej kōmmane kakobaba kein rej aikuj lolorjak bwe aoleben joñan armij eo ejab lōñlok jen joñan eo emelim ilo juon ien kakobaba iloan juon imōn jokwe ak ñan ibben doon kin [joñan uwōta eo emōj kalikar](#) ilo county eo kakobaba eo ej kōmman ie.

**K2: Jete joñan jemlokin wōran armij ñan kakobaba ñan ilomej?**

U2: Ilomej ko rej kōmman ilo imōn jokwe ko an armij rej aikuj loor joñan wōran armij ro remaroñ kakobaba ñan [ibben doon im kakobaba iloan imōn jokwe ko](#) ekkar ñan [joñan uwōta eo emōj kalikar](#) kin county eo ej bed ie im ilomej eo ej kōmman ie. Ilomej ko rej kōmman iloan imōn ilomej, imōn rimij, ak ilo jikin kallib armij rej aikuj loor joñan wōran armij eo elabtata ñan jikin kabuñ ko, imōn ilomej, imōn rimij, im jikin kallib armij ko ekkar ñan joñan uwōta eo an county eo im ilomej eo ej kōmman ie.

**K3: Jikuul ko K-12 rej ke aikuj in loor Melele in kajinet eo lbelakin State eo jen OHA ñan Kakobaba in Armij?**

U3: Jab. Jikuul ko rej aikuj loor an Ra In Jelālokjen eo an Oregon [Melele in Kajinet eo an Jikuul ko Rebojak, Rikatak ro Rej Kejbarok an Yiō in Jikuul 2020-21](#).

**K4: Jikin kabuñ ko, einwōt kabuñ ko, rej ke aikuj loor jejetin joñan wōran armij elabtata rej kakobaba?**

U4: Elab rōjañ an jikin kabuñ ko loor joñan wōran armij elabtata ekkar ñan [joñan uwōta eo emōj kalikar](#) an county eo im jikin kabuñ eo ej bed ie.

**K5: Etan melele in kajinet ikijen joñan wōran armij elabtata eo kumi in kwelok ko rej lelok jibañ ñan kōmour (einwōt Alcoholics Anonymous) im rej ioon doon ilo jikin kabuñ ko ren loor?**

U5: Kwelok in kōmourur ko rej kwelok iloan jikin kabuñ ko rej aikuj loor mennin aikuj ko an kwelok ko an jukjukinbed ko ilo [Melele in Kajinet eo Ekkā an Jikin Jermal im Doulul ko](#). Ñan joñan maroñ ikijen wōran armij ro elabtata im joñan uwōta ko an county ko, jous im lale [Laajrakin Melele in Kajinet ñan Joñan Uwōta ñan Jejjetin Kilaaj ko](#).

Kwelok ko rej lelok jibañ ñan kōmour rej bar aikuj loor [Melele in Kajinet eo Ibelakin State eo ikijen Kein Kalbubu Iturin Māj an Jikin Taktō, Kein Kalbubu im Kein Bōbrae Būlajtik Iturin Māj](#) im lolorjak an armij ro rar jedetok im rijerbal ro kejbarok aer kōttolok jiljino (6) jen doon.

**K6: Melele in kajinet ta eo doulul ko an fraternity rej loor ñan joñan kakobaba ko? Juon kwelok ilo Elks Lodge emōj ke watōke ej juon kakobaba in armij ñan aer ibben doon?**

U6: Juon kwelok ilo Elks Lodge emōj watōke ej juon kakobaba in armij ñan ibben doon im ej aikuj loor joñan wōran armij ko ñan kakobaba in ibben doon ñan [joñan uwōta eo emōj kalikar](#) an county eo im doulul eo an fraternity ej bed ie.

Elañe juon doulul an fraternity ej kōmadmōd mōñā im dān, ej bareinwōt aikuj in loor [Melele in Kajinet eo an Mōko Imōn Mōñā im Idaak](#).

**K7: Bijnej ko, einwōt bijnej in ekkal ak karreo em, remaroñ ke deloñ ilo imōn jokwe ko? Elañe eindein, renaj ke mōttan juon kakobaba in armij ilo-imōn-jokwe?**

U7: Bijnej ko rej aikuj deloñe juon em ñan aer kadedelok aer kōkāāl, karreo, ak jermal ko jet remaroñ kōmman eindein. Rijerbal ro an bijnej kein im rej deloñe imōn jokwe ko rejab mōttan kakobaba in armij iloan-imōn-jokwe. Bijnej kein rej aikuj loor [Melele in kajinet eo Ekkā an Jikin Jermal im Doulul ko](#), [Melele in kajinet eo Ibelakin State eo ikijen Kein Kalbubu Iturin Māj an Jikin Taktō, Kein Kalbubu im Kein Bōbrae Būlajtik Iturin Māj](#) im jabdewōt bar melele in kajinet an OHA ekkar.

**K8: Elañe inaj kōjerbal juon jikin kabuñ ñan juon bar makūtkūt ejab ikijen kakobaba ikijen kabuñ, waan joñak katak kōjañjañ orchestra, ij ke loor Melele in Kajinet eo an OHA ñan Jikin Kabuñ ko?**

U8: Jab. Makūtkūt ko rej kōmman iloan juon jikin kabuñ, im rejab makūtkūt in kabuñ, rej aikuj loor melele in kajinet eo an kilaaj eo ñan makūtkūt eo. Waanjoñak, kōjañjañ in orchestra ej kōmelmel rej aikuj loor [Melele in Kajinet an Jikin Kamōnōnō Iloan Em](#) ñan joñan uwōta eo emōj kalikar an county eo im jikin kabuñ eo ej bed ie.

**K10: Elañe elablok wōran armij ilo kapijukunen eo amim jen joñan armij eo emelim ekkar ñan joñan uwōta eo emōj kalikar ñan jikin eo ej kōmman kakobaba eo**

**ie, aoleben ro uwaan kapijukunen eo aō remaroñ ke kobalok ibben bar ro jet jen bar juon kapijukunen?**

U10: Jab. Juon kapijukunen eo elōñlok wōran armij ie jen joñan eo emelim ejab aikuj in kadiklok joñan armij ro ilo kapijukunen eo bōtab emaroñ jab kakobaba lok ibben ro jet jen bar juon kapijukunen elañe enaj lōñlok wōran armij jen joñan jemlok eo.

**K11: Ta melelein juon kapijukunen?**

U11: Juon kapijukunen emōj likūti ej aoleben armij ro rej jokwe iloan juon em.

**K12: Ñe ewōr armij ilo mweo imō ñan makūtkūt ko ikijen wūnin kabuñ, einwōt katak bible ak jibañ ko jet, imaroñ ke loor joñan wōran armij eo elabtata an jikin kabuñ?**

U12: Jab. Kakobaba ko rej kōmman ilo imōn armij rej aikuj loor joñan jemlok ko an kakobaba ilo imōn jokwe im kakobaba ñan ibben doon ko an armij ekkar ñan [joñan uwōta eo emōj kalikar](#) an county eo im kakobaba eo ej kōmman ie.

**K14: Doulul ko an fraternity emōj ke watōke er einwōt jikin kabuñ innem rej k melim in loor joñan wōran armij emaroñ eo elabtata ñan jikin kabuñ ko?**

U14: Jab. Doulul ko an fraternity rejab watōke rej jikin kabuñ. Kakobaba ko ilo doulul kein rej aikuj loor joñan wōran armij ro elabtata rej ibben doon ekkar ñan joñan uwōta eo emōj kalikar an county eo im doulul eo an fraternity eo ej bed ie. Im bareinwōt, doulul ko an fraternity rej aikuj loor [Melele in Kajinet eo an Jejetin Kilaaj an Imōn Mōñā im Idaak ko](#) elañe rej kōmadmōde mōñā im dān.

**K15: Ñe inaj kakwōne juon jikin reen in kakkije einwōt AirBnB ak VRBO, enaj ke bar jermal joñan wōran armij elabtata emaroñ kakobaba?**

U15: Aet, joñan wōran armij ro rej kakobaba iloan imōn jokwe ej jermal ñan joñan uwōta eo emōj kalikar an county eo im imōn kakkije eo ej bed ie. Armij ro rej reen rej aikuj loor [Melele in kajinet eo an Jejetin Kilaaj ñan Kakobaba ko an Armij](#).

**Maroñ loe beba in:** Ñan armij ro im elōñ aer utamwe ak armij ro im rejelā juon bar kajin im ejab Kajin Belle, OHA emaroñ lelok melele ko ilo wāween ko jet einwōt ukok ko, jeje kileb, ak jeje ko an ribilo. Kebaak Jikin Melele in Eymour eo ilo 1-971-673-2411, 711 TTY ak [COVID19.LanguageAccess@dhsosha.state.or.us](mailto:COVID19.LanguageAccess@dhsosha.state.or.us).